

Послание к православным жителям Рогатина с утешением в гонениях на них

21. 1601 Августа 5. Патриарх Мелетий утешает православных жителей Рогатина в гонениях на них и убеждает твердо стоять за Православие.

Мелетий, милостию Божиею папа и патриарх великого града Александрии и судия вселенский. Благочестивейшим и православным братьям с прочими православными, иже в Рогатине богохранимом граде обретающим христианом, священного же каталокга и мирского чина, с женами и чады, сыном о Господе возлюбленным, благодать, милость и мир от Господа и Бога и Спаса нашего Иисуса Христа.

Бдете (рече Спас священным своим учеником) и молитесь, да не внидите в искушение. Бе же убо искушение при дверех, буря от злейших оных архиерей и книжник на самого Спаса воздвизаема, яже и пастыра поразившая и расточившая овца его. Ея же ради вины и Господь о них Небесного Отца, яко Архиерей сый, умоляше сохранить сих. И погибе от них токмо сын погибельный. Рече же Спас, яко не о оных (тогда яве учеником) точию молил, но и о хотящих веровати оными в самого Спаса; они же есте вы, о них же Спас и тогда и ныне по приличествующему образу молит Отца и нас увещевает: **«молитесь, дабы напастей избегнути»**, от них же не у преста, ниже убо престанет когда, на церковь Христову воздвизаяй боритель. Весте ж всячески братие, яко Спас наш кафолицкая Глава Церкви Христос, якоже предрече своим, яко в мире скорбь имети будете; обаче же тако обеща, яко не оставлю вас сырых и яко с вами буду даже до скончания века. Сия убо имеюще заповеди и обещания, братие, усердно да держимся отеческих догмат и преданий, молящися и верующе, яко не оставит вас искушенным быти Спас паче силы нашея, но даст силу и наступите на змию и скорпию и победите о возмогающем вас Христе всяку силу вражию, венцев оных имеяще сподобитися бессмертных, их же воздасть в он день, по Апостолу, праведный Судия, Его же милости со всеми вами. Аминь.

В Египте, 5 Августа 1601 г. Мелетий милостию Божиею папа и патриарх великого града Александрии. През праведных Исаака, иеродиакона и еклисиарха, и Иосафа, четца Александрийского, наших сынов.

Оттуда же.
